

in Congregationibus de Auxiliis; opinio
verò Thomistarum sit mera stultitia, & ineptia. Art. 6. Quod prædeterminatio physica, prout in Thomistarum Scholis explicatur, sit prorsus contraria doctrinæ S. Augustini: & quod solutiones dari solitæ, per sensum compositum, & divisum, atque indifferentiam iudicii, sint meræ cavillationes, & trica, quarum nè minimum quidem in Sanctis Patribus sit vestigium.

Idem in Epistola anni 1691. 1. Februar. Nunquid modò verum est, gratiam sufficientem Molinistarum esse errorem, Thomistarum autem esse stultitiam? Quid sibi volunt novæ istæ decisiones de gratia sufficiente (in decreto Alexandri VIII. contra Propositiones 31.)?

Idem in Epistola: „Protestor me alienissimum esse ab opinione; aut, si malis, errore adstruente libertatem indifferentiæ... hanc novitatem induxit Molina, & sola Thomistarum ignavia hanc falsitatem suscepit. Matthæus Rouvroy Namurci in Seminario Episcopali S. Theologiæ professor in dictatis de gratia observat. 5. *Qui statuunt gratiæ efficaciam in prædeterminatione, non rectè sentiunt de differenda absolute.*

Observat. 7. *Aliud est, quod istos Theologos (Thomistas recentiores) facit malè iudicare de conversione peccatoris, & consequenter de dilatione absolutiois, nempe certi modi loquendi S. Thomæ, & Thomistarum veterum: quos minùs intelligunt, ut sunt hi: MINIMA GRATIA, MINIMA CHARITAS sufficit ad justificationem.*

Ibid. *Ex gratia per se sufficienti sequitur non rectè administratio Sacramenti penitentiæ.*

Idem de Fide §. II. *Doctrina de gratia sufficienti ducit ad laxitatem.*

Ludovicus Du Vaucel, aliàs Walonus, qui, ut Thomistis illuderet, eorum aucupari gratiam videbatur; at confidentius ad fidum suum Achatem Quesnellum scribens an. 1702. 25. Martii, ait: „Non minùs certè ego, quàm ille, irascor contra Baccalaureos, (idest juxta detestam clavim, Dominicanos) & indignor: ac partem majorem approbo eorum, quæ de hac re scribit. Nihil intolerabilius mihi videtur, quàm fascinatio, quâ supponunt existere sectam quandam Janfenistarum, & Scholæ suæ interesse, ut id supponatur, ut ab ea se discernant... ut verum fatear, existimo expedire, ut non imprimatur ista responsio Patris del Becque ad Schema; etiamsi passus sit rescindi digressionem de morte Christi pro omnibus, in qua multa valde misera oc-

currebant, & falsis principiis nixa. Et eò quidem hæc omnia, ut à prætenso Janfenismo remotiores sint quoad propositio-nem 5. seque accommodent locutionibus Molinistarum, quod sanè perniciosissimum est, & vero Scholæ Thomisticæ bono contrarium.

Idem in Epist. anni 1698. 22. Feb. ad Quesnellum „Legi quintam, & sextam Epistolam P. (Natalis) Alexandri: in sextâ occurrunt multa, quæ nihil valent: supponit sextam Janfenisticam, & venenum hæreseos in dies diffundi: numerat inter Baji, & Janfenii hæreses, quòd omnia opera Infidelium sint peccata, & quòd status naturæ puræ sit impossibilis. Malè loquitur de ignorantia invincibili, & de defectu gratiæ in justis peccantibus. Reos agit peccati mortalis qui reculant subscribere formulæ subscriptione purâ, & simplici absque juris & facti distinctione. Sunt hæc valde misera. Si alia non habeat quæ ad nos mittat scripta, existimo posse ipsi significari, nos flocci facere literarum ejus commercium.

Eundem Patrem Natalem Alexandrum reprehendit Theodorus de Viaixnes scribens ad Brigodium „Legi focium domesticum: Quod, inquit, scribit de Rosariis, de tertio Ordine S. Dominici stabilito in Chinis &c. mihi prorsus non placet. Cum de Rosariis sermo est, recurrit Petrus de Ligny in professione Fidei ad Episcopum N.N. Declaro, inquit, coram DEO... Art. 12. quòd inter devotiones illas populares (quas art. 11. vocaverat devotionis figmenta ludicra, & cultum Semi-judaicum) numerari possint Scapulare, Rosarium, Zona, & alia Confraternitates, quodque præstaret obsequium Ecclesiæ, qui aboleret devotiones illas phantasticas, quæ plus mimici habent, quàm veræ pietatis.

Liber Belgicus *Defensæ libertas simplicium*, sat noti Authoris est. Is Dominicanos pag. 133. ironiâ hac sarcasticâ ridet, *Quid miri filias devotas Dominicanorum tam fervidas esse pro Rosario? Rosariolis jvantur gladii, convertuntur regna, Regiones intercipiuntur.*

Joannes Van Heumen Missionarius è Clero Amstelodami in Epistola typis edita ad Patrem Ægidium Glabais ordinis minorum; pag. 8. *Quando executioni plene mandabuntur edita ordinum Hollandiæ (contra Regulares) nonne Ecclesiæ Belgicæ brevè illic mutabit faciem? Tunc Religio non amplius alligabitur Scapularibus, Rosariis, Funiculis, seu Zonis, sed VERBO DEI.*

Ita in his, & cæteris novitatibus profecerunt Missionarii illi, ex quo Arnaldus, & Ques-